

海蟾子



道藏輯要

金蓮正宗仙源像傳

李

翼集八

師姓劉名操字宗成號海蟾子燕山人也年十六登遼之甲科
 仕至上相嗜性命之學未究玄蘊忽有道人來謁師以賓禮延
 之問其姓名默而不答惟索雞卵十金錢一以金錢置案上纍
 纍疊十卵不墜師歎曰危哉道人曰公身命俱危更甚於此師
 復問曰如何是不危底道人乃歛雞卵金錢擲之於地長笑而
 去師於是頓悟因夜宴盡碎寶器明日解相印易道衣佯狂歌
 舞遠遊秦川復遇前次道人授以丹訣方知是正陽子也師嘗
 有句云拋離火宅三千口屏去門兵十萬家又有長歌云醉騎
 白驢來倒提銅尾揀引箇碧眼奴擔著獨胡瘦自忘塵世事家
 住葛洪井不讀黃庭經豈燒龍虎鼎獨立都市中不受俗人請

欲攜霹靂琴去上崑崙頂吳牛買十角溪田耕半頃種黍釀白
醪便是神仙境醉卧古松陰閒立白雲嶺要去卽便去直入秋
霞影師後以道妙授董凝陽張紫陽乃遁跡於終南太華之間
不知所終有詩文行於世

元世祖皇帝封號海蟾明悟弘道真君

武宗皇帝加封海蟾明悟弘道純佑帝君

贊曰勇脫金貂力辭相印秦州異遇終南高隱烏飛兔走虎
伏龍降一卮仙耐留待重陽

道藏輯要

金蓮正宗仙源像傳

卷

翼集八
X川上